



CONVENIO DE COLABORACIÓN ENTRE A AXENCIA TURISMO DE GALICIA E A CATEDRAL DE SANTIAGO PARA A REALIZACIÓN DUNHA OBRA COMPILATORIA PARA A PROMOCIÓN DO XACOBEO 2021.

MEMORIA XUSTIFICATIVA

A xerente de Turismo de Galicia

DECLARA:

Que esta Axencia Turismo de Galicia formalizou coa entidade S.A.M.I. Catedral de Santiago o instrumento convencional arriba referido por un período de vixencia que abrangue dende a data da súa sinatura ata o 31 de decembro de 2020.

Que o instrumento convencional ten por obxecto regular as condicións de colaboración entre a Axencia Turismo de Galicia e a SAMI Catedral de Santiago para a elaboración dunha obra compilatoria que axude a unha comprensión integral da Domus Iacobi: explique a complexidade e excelencia do proceso construtivo do conxunto catedralicio, das circunstancias e evolución da súa materialidade física ao longo dos séculos, e da relación material e inmaterial entre o templo, cidade e o Camiño de Santiago, completada cun rigoroso diálogo interdisciplinar entre historiadores, historiadores da arte, arqueólogos, arquitectos e restauradores, e enriquecida cunha reflexión compartida con outras disciplinas humanísticas e teolóxicas.

A obra estará composta de dous tomos:

TOMO I.- A Catedral de Santiago: unha visión integral

TOMO II.- A restauración e conservación da catedral (2011-2027)

Que o instrumento convencional que se pretende asinar se **fundamenta** no seguinte:

Primeiro.- A Axencia Turismo de Galicia, en virtude do disposto no artigo 9 dos seus estatutos aprobados polo Decreto 196/2012, do 27 de setembro, polo que se crea a Axencia de Turismo de Galicia e se aproban os seus estatutos, é a entidade pública





instrumental do sector público autonómico de Galicia á que lle corresponde o impulso e execución da política turística da Xunta de Galicia en relación coa promoción da calidade e innovación, o desenvolvemento, mellora, información e difusión do sector turístico galego, potenciando a devandita oferta, mediante a comercialización, información e difusión dos produtos turísticos da Comunidade galega e particularmente do produto estrela de todos os galegos, o Camiño de Santiago, e no exercicio das súas funcións, correspóndelle executar as medidas definidas para a promoción e fomento do sector turístico de Galicia, levar a cabo plans e programas de acción e colaborar no desenvolvemento de actuacións que lle permitan acadar os seus obxectivos.

Segundo.- A S.A.M.I. Catedral de Santiago de Compostela é un singular monumento, que posúe valores históricos, artísticos e culturais de alto interese que a converten nun fito único no marco do patrimonio cultural europeo e que viu recoñecida a súa importancia e valía ao formar parte singular dos bens incorporados á lista do Patrimonio mundial pola UNESCO: a Cidade Vella de Santiago de Compostela, da que constitúe o seu principal monumento e o Camiño de Santiago do que é meta e obxectivo final de peregrinación. A S.A.M.I. Catedral é un templo de culto católico sito en Santiago de Compostela, que acolle no sepulcro do Apóstolo Santiago, motivo polo cal é un dos principais destinos de peregrinación de Europa.

Terceiro.- A Catedral de Santiago foi obxecto de gran número de estudos e análises que, profundando en aspectos da súa concepción, construción, estética e sentido, focalizáronse en elementos parciais, ou en períodos concretos da súa xa milenaria historia. En moi escasas ocasións, o obxecto de estudo foi a catedral como un todo, ou o punto de vista, unha visión integral, no sincrónico e diacrónico, do templo.

Cuarto.- A colaboración entre a Axencia Turismo de Galicia e a SAMI Catedral responde ao interese común de ambas as dúas partes na divulgación da cultura Xacobeá e do Camiño de Santiago, e que contribúen a promoción do Camiño de Santiago e da comunidade Autónoma de Galicia, dando a coñecer ao público en xeral a Catedral e as obras de rehabilitación que se realizaron, e contribuindo a proxección da Catedral, de Santiago e de Galicia. Proxecto que forma parte de todas as actividades previstas para a celebración do Ano Santo Xacobeo 2021.





Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados no Texto Refundido da Lei de Contratos do Sector público, aprobado por Real Decreto Legislativo 3/2011, de 14 de novembro, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria, en Santiago de Compostela
A xerente de Turismo de Galicia

M^a Elena Barca Ramos

